



Հավելված N 539  
 ՀՀ էկոնոմիկայի նախարարության  
 գլխավոր քարտուղարի  
 2019 թ. հուլիսի 26-ի N 636-Ա հրամանի

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ  
 ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՌԱԶՄԱՎԱՐԱԿԱՆ ՈԼՈՐՏՆԵՐԻ  
 ՎԱՐՉՈՒԹՅԱՆ ԾԱՆՐ ԱՐԴՅՈՒՆԱԲԵՐՈՒԹՅԱՆ ԲԱԺՆԻ  
 ԳԼԽԱՎՈՐ ՄԱՍՆԱԳԵՏ**

**1. Ընդհանուր դրույթներ**

**1.1. Պաշտոնի անվանումը, ծածկագիրը**

Էկոնոմիկայի նախարարության (այսուհետ՝ Նախարարություն) ռազմավարական ոլորտների վարչության (այսուհետ՝ Վարչություն) ծանր արդյունաբերության բաժնի (այսուհետ՝ Բաժին) գլխավոր մասնագետ՝ (ծածկագիրը՝ 23-32.25-Մ2-1)

**1.2. Ենթակա և հաշվետու է**

Գլխավոր մասնագետն անմիջական ենթակա է և հաշվետու է Բաժնի պետին:

**1.3. Փոխարինող պաշտոնի կամ պաշտոնների անվանումները**

Գլխավոր մասնագետի բացակայության դեպքում նրան փոխարինում է Բաժնի մյուս գլխավոր մասնագետը կամ Բաժնի ավագ մասնագետը:

**1.4. Աշխատավայրը**

Հայաստան, քաղաք Երևան, Կենտրոն վարչական շրջան, Միեր Մկրտչյան 5

**2. Պաշտոնի բնութագիրը**

**2.1. Աշխատանքի բնույթը, իրավունքները, պարտականությունները**

1. իրականացնում է ծանր արդյունաբերության ոլորտում տիրող վիճակի մոնիթորինգի իրականացման աշխատանքները.
2. իրականացնում է ծանր արդյունաբերության քաղաքականության մշակման աշխատանքները.
3. իրականացնում է ոլորտում իրավահարաբերությունները կարգավորող օրենսդրական բացթողումների, ինչպես նաև գործող ձեռնարկություններում առկա խնդիրների վերհանումը և դրանց վերացման ուղղությամբ առաջարկությունների մշակման աշխատանքները.
4. իրականացնում է ծանր արդյունաբերության մեջ ազգային կարևորագույն ներդրումային և նորարարական նախագծերի ձևավորման, իրականացման և պետական աջակցության վերաբերյալ առաջարկների մշակման աշխատանքները.
5. իրականացնում է ծանր արդյունաբերության ոլորտի զարգացման խոչընդոտների վերհանման և դրանց վերացման ուղղությամբ առաջարկությունների մշակման աշխատանքները.

6. իրականացնում է ծանր արդյունաբերական ոլորտում գործունեություն ծավալող ձեռնարկությունների առկա տեխնոլոգիական մակարդակի գնահատման համար առաջարկությունների մշակման աշխատանքները.

7. իրականացնում է քիմիական արդյունաբերության զարգացման պետական քաղաքականության ձևավորման ու իրագործման առաջարկների մշակման աշխատանքները.

8. իրականացնում է քիմիական արդյունաբերության քաղաքականության մշակման աշխատանքները.

9. իրականացնում է քիմիական արդյունաբերության ոլորտի զարգացմանն ուղղված պետական ծրագրերի նախագծերի մշակման աշխատանքները.

10. մասնակցում է քիմիական արդյունաբերության ոլորտներում տեխնոլոգիական վերազինման և ինովացիոն լուծումների ներդրման աջակցության հիմնական մեխանիզմների, ուղղությունների և գործողությունների վերաբերյալ առաջարկությունների մշակման աշխատանքներին.

11. իրականացնում է քիմիական արդյունաբերության ոլորտներում տիրող վիճակի մոնիթորինգ.

12. իրականացնում է ոլորտներում իրավահարաբերությունները կարգավորող օրենսդրական բացթողումների, ինչպես նաև գործող ձեռնարկություններում առկա խնդիրների վերհանման և դրանց վերացմանն ուղղությամբ առաջարկությունների մշակման աշխատանքները.

13. իրականացնում է քիմիական արդյունաբերության ոլորտներում ազգային կարևորագույն ներդրումային և նորարարական նախագծերի ձևավորման, իրականացման և պետական աջակցության վերաբերյալ առաջարկների մշակման աշխատանքները.

14. իրականացնում է նախկինում քիմիական արտադրություն իրականացնող և ներկայումս չգործող կամ մասնակի գործող ընկերությունների վիճակի ուսումնասիրման ու գնատատման, ինչպես նաև դրանց վերագործարկմանն ուղղությամբ առաջարկությունների մշակման աշխատանքները.

15. մասնակցում է ԵԱՏՄ շրջանակներում ոլորտային համագործակցության զարգացմանն ու խորացման աշխատանքներին.

16. մասնակցում է տեխնիկական կանոնակարգմանն առնչվող իրավական դաշտի մշակման իրականացման աշխատանքներին, այդ թվում՝ ԵԱՏՄ շրջանակներում ԵԱՏՄ սակագնային և ոչ սակագնային կարգավորման աշխատանքներին:

### **Իրավունքները՝**

- ստանալ համապատասխան պետական կառավարման և տեղական ինքնակառավարման մարմինների և գործարար համայնքի հետ ծանր և քիմիական արդյունաբերության քաղաքականության մշակման և միջնաժամկետ վերանայման վերաբերյալ կարծիքներ և առաջարկություններ.

- ստանալ համապատասխան մարմիններից ծանր արդյունաբերության ոլորտի ռազմավարական փաստաթղթերի ու իրավական ակտերի նախագծերի վերաբերյալ անհրաժեշտ տեղեկություններ.

- ստանալ ծանր արդյունաբերության ոլորտի հարցերով զբաղվող միջազգային կազմակերպություններից ստացած անհրաժեշտ տեղեկատվությունը.

- կազմակերպել Նախարարության տարբեր ստորաբաժանումների և շահագրգիռ մարմինների ներկայացուցիչների հետ ծանր և քիմիական արդյունաբերության ոլորտներում ներդրողների կողմից բարձրացված հարցերի և խնդիրների լուծման համար աշխատանքային քննարկումներ.

- ստանալ զարգացած և զարգացող երկրների ծանր և քիմիական արդյունաբերության քաղաքականության և ներդրումների ներգրավման համար կիրառվող միջոցների ու մոտեցումների վերաբերյալ շահագրգիռներ մարմիններից ստացած անհրաժեշտ տեղեկատվությունը.

- կազմակերպել հանդիպումներ համապատասխան միջազգային կառույցների ներկայացուցիչների հետ ոլորտներին առնչվող հարցերի վերաբերյալ.

- օգտվել համապատասխան շահագրգիռ մարմիններից ծանր և քիմիական արդյունաբերության ոլորտների քաղաքականությունների, ներդրումների ներգրավման, ներդրումների պաշտպանության համար կիրառվող միջոցների ու մոտեցումների վերաբերյալ ստացված պարզաբանումներից և բացատրություններից.

- ստանալ շահագրգիռ մարմիններից ամբողջական տեղեկատվական փաթեթ ծանր և քիմիական արդյունաբերության ոլորտներում ներդրումային միջոցառումներին և համաժողովներին մասնակցելու համար.

- ստանալ ծանր և քիմիական արդյունաբերության ոլորտների քաղաքականությունների, ներդրումների ներգրավման, ներդրումների պաշտպանության համար կիրառվող միջոցների ու մոտեցումների վերաբերյալ դիվանագիտական կապուղիներով արտասահմանյան երկրներից ստացված տեղեկատվությունը:

### **Պարտականությունները՝**

- մշակել ծանր և քիմիական արդյունաբերության մեջ ազգային կարևորագույն ներդրումային և նորարարական նախագծերի ձևավորման իրականացման և պետական աջակցության վերաբերյալ առաջարկներ.

- մշակել ծանր և քիմիական արդյունաբերության ոլորտների քաղաքականությունը, կատարել անհրաժեշտ վերլուծություններ և ներկայացնել առաջարկություններ.

- մշակել ծանր և քիմիական արդյունաբերության ոլորտներին առնչվող իրավական ակտերի ինչպես նաև նախագծերի վերաբերյալ առաջարկներ.

- մշակել ծանր և քիմիական արդյունաբերության ոլորտների ներդրողների կողմից

բարձրացված հարցերի և խնդիրների դասակարգման, վերլուծության և խնդիրների լուծման վերաբերյալ առաջարկություններ.

- վերլուծել զարգացած և զարգացող երկրների ծանր և քիմիական արդյունաբերության ոլորտների ներդրումային քաղաքականության, ներդրումների ներգրավման համար կիրառվող միջոցները և մոտեցումները և ներկայացնել առաջարկներ.

- տրամադրել Նախարարության համապատասխան ստորաբաժանումներին և այլ շահագրգիռ մարմիններին ծանր արդյունաբերության ոլորտի օտարերկրյա ներդրումների վերաբերյալ հաշվարկ-տեղեկանքներ.

- նախապատրաստել համապատասխան մարմինների կամ անհատների կողմից ներկայացված հարցադրումների վերաբերյալ առաջարկություններ.

- մշակել իրավական ակտերի նախագծեր, առաջարկություններ, եզրակացություններ, ինչպես նաև մեթոդական պարզաբանումներ և ուղեցույցներ.

- նախապատրաստել առաջարկությունների, տեղեկանքների, հաշվետվությունների, միջնորդագրերի, զեկուցագրերի և այլ գրությունների նախագծեր:

### **3. Պաշտոնին ներկայացվող պահանջները**

#### **3.1. Կրթություն, որակավորման աստիճանը**

Բարձրագույն կրթություն

#### **3.2. Մասնագիտական գիտելիքները**

Ունի գործառույթների իրականացման համար անհրաժեշտ գիտելիքներ

#### **3.3. Աշխատանքային ստաժը, աշխատանքի բնագավառում փորձը**

Հանրային ծառայության առնվազն երկու տարվա ստաժ կամ երեք տարվա մասնագիտական աշխատանքային ստաժ կամ տնտեսագիտության բնագավառում՝ երեք տարվա աշխատանքային ստաժ:

#### **3.4. Անհրաժեշտ կոմպետենցիաներ**

##### **Ընդհանրական կոմպետենցիաներ՝**

1. Ծրագրերի մշակում
2. Խնդրի լուծում
3. Հաշվետվությունների մշակում
4. Տեղեկատվության հավաքագրում, վերլուծություն
5. Բարեվարքություն

##### **Ընտրանքային կոմպետենցիաներ՝**

1. Ժամանակի կառավարում
2. Փաստաթղթերի նախապատրաստում

### 3. Ժողովների և խորհրդակցությունների կազմակերպում և վարում

#### 4. Կազմակերպական շրջանակը

##### 4.1. Աշխատանքի կազմակերպման և ղեկավարման պատասխանատվությունը

Պատասխանատու է կառուցվածքային ստորաբաժանման աշխատանքների բնույթով պայմանավորված մասնագիտական գործունեության անմիջական արդյունքի համար:

##### 4.2. Որոշումներ կայացնելու լիազորությունները

Կայացնում է որոշումներ աշխատանքների իրականացման բնույթով պայմանավորված մասնագիտական եզրակացությունների տրամադրման և ՀՀ օրենսդրությամբ նախատեսված դեպքերում որոշումների կայացման շրջանակներում:

##### 4.3. Գործունեության ազդեցությունը

Ունի տվյալ մարմնի նպատակների և խնդիրների իրականացման արդյունքների ապահովման մասնագիտական գործունեության որոշակի ոլորտին վերաբերող համապետական ազդեցություն:

##### 4.4. Շփումները և ներկայացուցչությունը

Իր իրավասությունների շրջանակներում շփվում և որպես ներկայացուցիչ հանդես է գալիս տվյալ մարմնի ներսում այլ կառուցվածքային ստորաբաժանումների, այլ մարմինների ներկայացուցիչների հետ, հանդես է գալիս պետական մարմինների և միջազգային կազմակերպությունների ներկայացուցիչների մասնակցությամբ ձևավորված աշխատանքային խմբերում:

##### 4.5. Խնդիրների բարդությունը և դրանց լուծումը

Իր լիազորությունների շրջանակներում բացահայտում է մասնագիտական խնդիրներ և այդ խնդիրներին տալիս է մասնագիտական լուծումներ և մասնակցում կառուցվածքային ստորաբաժանման առջև դրված խնդիրների լուծմանը: